

- V.** Adjutorium nostrum in nomine Domini.
R. Qui fecit caelum et terram.
V. Ostende nobis, Domine, misericordiam tuam.
R. Et salutare tuum da nobis.
V. Adjuva nos, Deus salutaris noster.
R. Et propter gloriam nominis tui, Domine, libera nos.
V. Nihil proficiat inimicus in nobis.
R. Et filius iniquitatis non apponat nocere nobis.
V. Fiat misericordia tua, Domine, super nos.
R. Quemadmodum speravimus in te.
V. Salvum fac populum tuum, Domine.
R. Et benedic hereditati tuae.
V. Non privabis bonis eos, qui ambulat in innocentia.
R. Domine, Deus virtutum: beatus homo, qui sperat in te.
V. Domine, exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Orémus.

Oratio.

Deus, qui culpa offenderis, poenitentia placaris: preces populi tui supplicantis propitius respice; et flagella tuae iracundiae, quae pro peccatis nostris meremur, averte.

Oratio.

Adomo tua, quaesumus Domine, spiritales nequitiae repellantur: et aerearum discadat malignitas tempestatum.

Oratio.

Omnipotens, sempiternus Deus, parce metuéntibus, propitiare supplicibus: ut post noxios ignes nubium, et vim procellarum, in materiam transeat laudis comminatio tempestatum.

Oratio.

Domine Jesu, qui imperasti ventis et mari, et facta fuit tranquillitas magna: exaudi preces familiae tuae, et praesta; ut hoc signo sanctae crucis omnis discadat saevitia tempestatum.

Oratio.

Omnipotens, et misericors Deus, qui nos et castigando sanas, et ignoscendo conservas: praesta supplicibus tuis; ut et tranquillitatibus hujus optatae consolationis laetemur, et dono tuae pietatis semper utamur. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus etc. **R.** Amen.

Adspargatur aqua benedicta.

CAPUT 9.

PRECES DICENDÆ

TEMPORE PENURIAE ET FAMIS.

Aguntur omnia, ut supra in Litanis majoribus, usque ad finem Litaniarum, in quarum Precibus bis dicitur:

Ut fructus terrae dare, et conservare digneris:
 Te rogamus, audi nos.

Post Litanias dicitur: Pater noster, etc. Et ne nos inducas, etc.

Psalmus: Dominus regit, etc. ut supra (pag. 166). In fine: Gloria Patri.

- V.** Dómine, non secúndum peccáta nostra fá-
cias nobis.
R. Neque secúndum iniquitátes nostras retrí-
buas nobis.
V. Oculi ómnium in te sperant, Dómine.
R. Et tu das illis escam in témpore opportúno.
V. Meménto congregatiónis tuæ.
R. Quam possedísti ab inítio.
V. Dóminus dabit benignitátem.
R. Et terra nostra dabit fructum suum.
V. Dómine, exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Oratio.

Ineffábilem nobis, Dómine, misericórdiam
tuam cleménte osténde: ut simul nos et a
peccátis ómnibus éxuas, et a pœnis, quas pro his
merémur, erípias.

Oratio.

Da nobis, quæsumus Dómine, piæ supplicatiónis
efféctum, et famem propitiátus avérte: ut mor-
tálium corda cognóscant, et, te indignánte, tália
flagélla prodíre, et, te miseránte, cessáre.

Oratio.

Pópulum tibi súbditum pro peccátis suis fame la-
borántem ad te, Dómine, convérte propítius:
qui quæréntibus regnum tuum ómnia adjiciénda
esse dixísti. Qui vivis et regnas cum Deo Patre in
unitáte Spírítus sancti Deus, per ómnia sæcula
sæculórum. **R.** Amen.

CAPUT 10.

PROCESSIO

TEMPORE MORTALITATIS ET PESTIS.

Fiat ut supra in Litaniis majoribus: et in Litaniarum Precibus
dicatur bis:

A peste et fame, **L**ibera nos Dómine; et infra
suo loco:

Ut a pestiléntiæ flagélló nos liberáre dignéris:
Te rogámus, audi nos.

2. In fine Litaniarum dicitur: **P**ater noster, etc. **E**t
ne nos indúcas, etc.

Psalmus: **D**ómine, ne in furóre tuo árguas me.
(pag. 92.)

- V.** Dómine, non secúndum peccáta nostra fá-
cias nobis.
R. Neque secúndum iniquitátes nostras retrí-
buas nobis.
V. Adjuva nos, Deus salutáris noster.
R. Et propter glóriam nóminis tui, Dómine,
líbera nos.
V. Dómine, ne memíneris iniquitátum nostrá-
rum antiquárum.
R. Cito anticipent nos misericórdiæ tuæ, quia
paúperes facti sumus nimis.
V. Ora pro nobis, sancte Sebastiane.
R. Ut digni efficiámur promissionibus Christi.
V. Dómine, exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Oratio.

Exáudi nos, Deus salutáris noster: et interce-
dente beáta et gloriósa Dei Genitríce María
semper Vírgine, et beáto Sebastiano Mártire tuo,

et ómnibus Sanctis, pópulum tuum ab iracúndiæ tuæ terróribus líbera, et misericórdiæ tuæ fac largitáte secúrum.

Oratio.

Propitiáre, Dómine, supplicatióibus nostris: et animárum et córporum medére languóribus; ut remissióne percépta, in tua semper benedictióne lætémur.

Oratio.

Da nobis, quæsumus Dómine, piæ petitiónis efféctum: et pestiléntiam, mortalitatémque propitiátus avérte; ut mortálium corda cognóscant, a te indignánte tália flagélla prodíre, et te miseránte cessáre. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus etc. **R.** Amen.

CAPUT II.

PRECES DICENDÆ
IN LITANIIS TEMPORE BELLII.

Peractis omnibus, ut supra in Litanis majoribus, ad finem Litaniarum dicitur: Pater noster. secreto.

V. Et ne nos indúcas in tentatióne.

R. Sed líbera nos a malo.

Psalmus 45.

Deus noster refúgium et virtus: * adjútor in tribulatióibus, quæ invenerunt nos nimis.

Propterea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætificat civi-

tátem Dei: * sanctificávit tabernáculum suum Altíssimus.

Deus, in médio ejus, non movébitur: * adjuvábít eam Deus mane dilúculo.

Conturbátæ sunt gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Jacob.

Veníte, et vidéte ópera Dómini,

quæ pósuit prodígia super terram: * áuferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego

sum Deus: * exaltábor in géntibus, et exaltábor in terra.

Dóminus virtútum nobíscum: * suscéptor noster Deus Jacob.

Glória Patri.

V. Exsúrge, Dómine, ádjuva nos.

R. Et líbera nos propter nomen tuum.

V. Salvum fac pópulum tuum, Dómine.

R. Deus meus, sperántem in te.

V. Fiat pax in virtúte tua.

R. Et abundántia in túrribus tuis.

V. Esto nobis, Dómine, turris fortitúdinis.

R. A fácie inimíci.

V. Arcum cónteret, et confrínget arma.

R. Et scuta combúret igni.

V. Mitte nobis, Dómine, auxiliúm de sancto.

R. Et de Sion tuére nos.

V. Dómine, exaúdi oratióne meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.**Oratio.**

Deus, qui cónteris bella, et impugnatóres in te sperántium poténtia tuæ defensiónis expúgnas: auxiliáre fámulis tuis implorántibus misericórdiam tuam; ut inimicórum suórum feritáte depresso, incessábili te gratiárum actióne laudémus.

Oratio.

Deus, a quo sancta desidéria, recta consília, et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dédita, et hóstium subláta formidine, témpora sint tua protectióne tranquilla.

Oratio.

Hóstium nostrórum, quæsumus Dómine, elíde supérbiám: et eórum contumáciam dèxteræ tuæ virtúte prostérne. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus etc. **R.** Amen.

2. Si vero bellum est contra Turcas, et alios infideles, vel hæreticos, inter Preces Litaniarum bis dicatur:

Ut inimicos sanctæ Ecclesiæ humiliare digneris: **Te rogámus, audi nos.**

Et addatur:

Ut Turcárum (vel hæreticórum) conátus reprímere, et ad níhilum redígere digneris: **Te rogámus, audi nos.**

Et dicto Pater noster, dicatur:

Psalmus 78.

Deus, venérunt gentes in hæreditátem tuam, poluérunt templum sanctum tuum: * posuérunt Jerúsalem in pomórum custódiam.

Posuérunt morticina servórum tuórum, escas volatilibus cœli: * carnes sanctórum tuórum béstiis terræ.

Effuderunt sánguinem eórum tamquam aquam in circúitu Jerúsalem: * et non erat qui sepe líret.

Facti sumus oppróbrium vicinis nostris: * subsannátio et illúsis his, qui in circúitu nostro sunt.

Usquequo Dómine irascéris in finem: * accendétur velut ignis zelus tuus?

Effúnde iram tuam in gentes, quæ te non novérunt: * et in regna, quæ nomen tuum non invocavérunt:

Quia comedérunt Jacob: * et locum ejus desolavérunt.

Ne memíneris iniquitátum nostrárum antiquárum, cito anticipent nos misericórdiæ tuæ: * quia paúperes facti sumus nimis.

Adjuva nos, Deus salutáris noster: et propter glóriam nóminis tui Dómine libera nos: * et propítius esto peccátis nostris, propter nomen tuum:

Ne forte dicant in géntibus: Ubi est Deus eórum? * et innotéscat in natióibus coram óculis nostris.

Ultio sánguinis servórum tuórum, qui effusus est: * intróeat in conspéctu tuo gémitus compeditórum.

Secúndum magnitúdinem bráchii tui, * pösside filios mortificatórum.

Et redde vicinis nostris séptuplum in sinu eórum: * improperium ipsórum, quod exprobravérunt tibi Dómine.

Nos autem pópulus tuus, et oves

páscuæ tuæ, * confitébimur tibi in sæculum:

In generatióem et generatióem, * annuntiábitur laudem tuam. **Gloria Patri.**

V. Salvos fac servos tuos.

R. Deus meus, sperántes in te.

V. Esto nobis, Dómine, turris fortitúdinis.

R. A fácie inimíci.

V. Nihil proficiat inimícus in nobis.

R. Et filius iniquitátis non appónat nocére nobis.

V. Hóstium nóminis tui, Dómine, elíde supérbiám.

R. Et eórum contumáciam dèxteræ tuæ virtúte prostérne.

V. Fiant tamquam pulvis ante fáciem venti.

R. Et Angelus Dómini persecúatur eos.

V. Effúnde iram tuam in gentes, quæ te non novérunt.

R. Et in regna, quæ nomen tuum non invocavérunt.

V. Mitte nobis, Dómine, auxiliúm de sancto.

R. Et de Sion tuére nos.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Oratio.

Dea, quæsumus, Ecclesiæ tuæ, miséricors Deus: ut sancto Spíritu congregáta, hostíli nullátenuis incursióne turbétur.

Oratio.

Deus, qui culpa offénderis, pœniténtia placáris: preces pópuli tui supplicántis propítius respice; et flagélla tuæ iracúndiæ, quæ pro peccátis nostris merémur, avérte.

Oratio.

Omnípotens, sempitérne Deus, in cuius manu sunt ómnium potestátes, et ómnium jura regnórum: réspice in auxílium Christianórum; ut gentes Turcárum (seu hæreticórum), quæ in sua feritáte confidunt, dèxteræ tuæ poténtia conterántur. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus etc. **R.** Amen.

V. Exaúdiat nos Dóminus. **R.** Amen.

CAPUT 12.

PROCESSIO

IN QUACUMQUE TRIBULATIONE.

Servatis omnibus, ut supra in Litanis majoribus, finitisque Litanis, dicitur: Pater noster.

V. Et ne nos indúcas in tentatióem.

R. Sed libera nos a malo.

Psalm. Exaúdiat te Dóminus. ut supra. (pag. 108), cum Glória Patri. vel Psalm. Qui hábitat. ut supra (pag. 111). Quo finito, dicitur:

V. Deus, refúgium nostrum et virtus.

R. Adjutor in tribulatióibus.

V. Salvos fac servos tuos, Dómine.

R. Deus meus, sperántes in te.

V. Sanctus Deus, Sanctus fortis, Sanctus immortalis.

R. Miserere nobis.

V. Adjuva nos, Deus salutáris noster.

R. Et propter glóriam nóminis tui, Dómine, libera nos.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Oratio.

Ne despicias, omnípotens Deus, pópulum tuum in afflictiónem clamántem: sed propter glóriam nóminis tui, tribulátis succúrre placátus.

Oratio.

Ineffábilem misericórdiam tuam, Dómine, nobis cleménter osténde: ut simul nos et a peccátis ómnibus éxuas, et a pœnis, quas pro his merémur, erípias.

Oratio.

Concède nos fámulos tuos, quæsumus Dómine Deus, perpétua mentis et córporis sanitáte gaudere: et gloriósa beátæ Mariæ semper Vírginis intercessiõe, a præsentí liberári tristítia, et ætérna pérfrui lætítia.

Oratio.

Tribulatióem nostram, quæsumus Dómine, propítius réspice: et iram tuæ indignatióis, quam juste merémur, avérte.

Oratio.

Deus, refúgium nostrum et virtus: adésto piis Ecclésiæ tuæ précibus, auctor ipse pietátis, et præsta; ut quod fidéliter pétimus, effícaciter consequámur. Per Dóminum nostrum. **R.** Amen.

CAPUT 13.

PRECES DICENDÆ IN PROCESSIONE
PRO GRATIARUM ACTIONE.

Initio Processionis cantatur Hymnus:

Te Deum laudámus: * te Dóminum confitémur.
Te ætérnum Patrem * omnis terra venerátur.
Tibi omnes Angeli, * tibi cœli, et univérsæ potestátes:
Tibi Chérubim et Séraphim * incessábili voce proclámant:
Sanctus, Sanctus, Sanctus * Dóminus Deus Sábaoth.